

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 प्रधानमंत्री नरेंद्र मोदी होरें आखेआ ऐ जे भारत आर्टिफिशल इंटेलीजेंस दे खेत्तर च बड़ी तेजिया कन्नै अपनी इक तगड़ी पंछान बनाऽ रदा ऐ ते इस खेत्तर च भारत दी तरक्की दी दुनिया करै करदी ऐ।
- 2 प्रधानमंत्री होरें अपने माह्वान रेडियो कार्यक्रम-मन की बात च आखेआ ऐ जे महिलां हर खेत्तर च शानदार जोगदान देआ करदिआं न ते ओहू औंदे अंतरराष्ट्री महिला दिवस पर मुख्य भरै थमां किश प्रेरणादायी महिलाएं गी इक दिनै लेई अपने सोशल मीडिया एकाउंट्स दी जिम्मेदारी सौंपडन।
- 3 प्रधानमंत्री होरें चंद्रयान, मंगलयान ते आदित्य एल-1 ज्नेय कामयाब मिशनं लेई इसरो दी सराहना कीती।
- 4 केंद्री मंत्री डॉ. जतिंद्र सिंह होरें सेहत सेवाएं च सुधार लेई निजी ते सरकारी अस्पतालें बश्कार बेहतर तालमेल दी जरूरत पर जोर पाया ऐ।
- 5 मौसम विभाग नै औंदी 25 थमां 28 फरवरी तगर जम्मू-कश्मीर च हौली थमां दरम्याने दर्जे दी बरखा दे असार जताए न।

<><><><><><>

PM-MKB

प्रधानमंत्री नरेंद्र मोदी होरें अज्ज आखेआ जे भारत आर्टिफिशल इंटेलीजेंस दे खेत्तर च तेजिया कन्नै इक मजबूत पंछान बना'रदा ऐ। आकाशवाणी पर अपने "मन की बात" कार्यक्रम च अपने विचार सांझे करदे होई प्रधानमंत्री होरें आखेआ जे भारत दे लोक नमीं टेक्नॉलजी गी अपनाने ते आजमाने च कुसै कोला पिच्छे नेई ऐन। उनें आखेआ जे हाल च गै होए दे ए.आई एक्शन शिविर सम्मेलन नेई पेरिस दे उन्दे दौरे दौरान उनें दिक्खेआ जे इस खेत्तर च भारत दी प्रगति दी सराहना कीती ऐ। इस बारै बोलदे होई प्रधानमंत्री होरें आखेआ।

अज्जै दे अपने मन की बात कार्यक्रम च प्रधानमंत्री होरें नारीशक्ति दी बी गल्ल कीती। उनें आखेआ जे 8 मार्च गी मनाए जाने आह्ला अंतरराष्ट्रीय महिला दिवस नारीशक्ति गी नमन करने दा इक खास मौका ऐ। उनें एहू बी आखेआ जे देसै दी मातृशक्ति नै आजादी संग्राम च संविधान दे निर्माण च बड़ी महत्वपूर्ण भूमिका निभाई ऐ। उनें ऐलान कीता जे महिला दिवस आहले ध्याड़े प्रधानमंत्री होर अपने सोशल मीडिया अकाउंट इक्कै दिनै लेई बक्ख-बक्ख खेत्तरें थमां किश ताली गेदियें प्रेरणादायक महिलाएं गी सौंपी देंगन।

देश-विदेश दे लोकें कन्नै अपने विचार सांझे करदे होई प्रधानमंत्री नरेंद्र मोदी होरें युवा शक्ति बारै बी गल्ल कीती। उनें इस गल्लै पर लोहू पाई जे युवाएं दी बददी हिस्सेदारी कन्नै बक्ख-बक्ख खेत्तरें च नमीं क्रांतियां आवा'रदियां न। फही भामें ओहू खला दे खेत्तर होए जां फही ए.आई दा। प्रधानमंत्री होरें गौमसूस करदे होई गलाया जे पिछले महीने मुख् इसरो दे 100में राकेट दे प्रक्षेपण दा साक्षी रेहा। उनें आखेआ।

प्रधानमंत्री होरें इस गल्लै पर संदोख कीता जे अंतरिक्ष वैज्ञानिकें आहली टीमें च महिला वैज्ञानिकें दी भागीदारी लगातार बदारदी ऐ। उनें इस गल्लै पर खुशी जाहिर कीती जे अंतरिक्ष दा खेत्तर युवाएं लेई उंदा पसंदीदा खेत्तर बनी गेआ ऐ। इस गल्लै पर खुशी जाहिर करदे होई प्रधानमंत्री होरें आखेआ।

<><><><><><>

MoS-Hospitals

केन्द्री राज्य मंत्री डाक्टर जितेन्द्र सिंह होरें खरे इलाज-मुआलजे लेई सरकारी ते गैर-सरकारी अस्पतालें बश्कार बेहतर तालमेल पर जोर दिता ऐ। उनें आखेआ ऐ जे आपसी तालमेल दे चलदे गै निजी अस्पताल कामयाब रेहू न। डाक्टर सिंह होरें आखेआ ऐ जे केन्द्र सरकार अस्पतालें ते नर्सिंग होम बश्कार सैह्योग गी बढ़ावा देआ करदी ऐ तांजे दूर-दरेडे इलाकें दे लोकें गी बमारियें दी रोकथाम च मदाद मिली सकै। उनें एहू गल्ल कल जम्मू-कश्मीर दे अखनूर च नीलकंठ हेल्थ केयर एण्ड हॉस्पिटल दा उद्घाटन करदे होई आखी। डाक्टर सिंह होरें इब्बी आखेआ जे राश्ट्री जनतांत्रिक गठबंधन-एन.डी.ए. सरकारै देशै च डेढ़ लक्ख आरोग्य केन्द्र खोले न। उनें दस्सेआ जे आयुष्मान भारत दुनिया दी सब्भनें शा बड्डी सेहत बीमा योजना ऐ।

<><><><><><>

KV-Gandoh

शैक्षिक बुनियादी ढांचे च विकास दी इक पैहल तैहत स्कूली शिक्षा मैहकमा डोडा ते केंद्रीय विद्यालय संगठन नै गंडोह च केंद्रीय विद्यालय संगठन दा कैंपस स्थापित करने लेई पट्टे पर जिमी देने लेई इक समझौते पर दस्तखत कीते। इस समझौते तैहत 10 इशारिया 2-5 एकड़ जिमी के.वी.एस गी मुंतकिल कीती गेई ऐ। एहूदे कन्नै इस खेत्तर च इक नमें केंद्रीय विद्यालय दी स्थापना दी शुरूआत होई ऐ। डोडा दे डिप्टी कमिशनर हरविंद्र सिंह ते स्कूली शिक्षा निदेशक जम्मू अशोक शर्मा हुंदे मार्गदर्शन च कीती गेदी इस पैहल दा मकसद इलाके च उच्चे म्यार आहली शिक्षा दी उपलब्धता च सुधार करना ऐ।

<><><><><><>

Women-Peacekeepers

महिला शांति सैनिकें लेई वैश्विक दक्खन दे सरबंध्यै च महिलां शांति सैनिकें दी भूमिका विशे पर अपनी चाल्ली दा पैहला-पैहला सम्मेलन कल नमीं दिल्ली च शुरू होगा। दऊं दिनें दे इस सम्मेलन दा सरिस्ता विदेश मंत्रालय आसेआ रक्षा मंत्रालय ते संयुक्त राश्ट्र शांति सैन्य केंद्र दे सहयोग कन्नै कीता जा'रदा ऐ। सम्मेलन च वैश्विक दक्खन थमां शांति सेना च योगदान देने आहले 35 मुख् दिएं महिला शांति सैनिकें दे हिस्सा लैने दी मेद ऐ। विदेश मंत्री डाक्टर एस जयशंकर होर इस सम्मेलन च मुख् भाषण देडन। संयुक्त राश्ट्र दी नुमायंदगी संयुक्त राश्ट्र दे अंडर सैक्रेटरी जनरल जीन पियरे लैक्रोईक्स ते संयुक्त राश्ट्र दे विशेष कोआर्डिनेटर क्रिश्चियन सॉन्डर्स

आसेआ कीती जाग। ओहू सम्मेलन च शांति रक्षा खेत्तर कन्नै सरबन्धत होरनें पक्खें दे कन्नै शामिल होडन। एहदे च हिस्सा लैने आहली महिला शांति सैनिक राष्ट्रपति द्रौपदी मुर्मू हुंदे'नै बी मलाटी करडन।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोडचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबन्धत लोडचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोडचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Animal Husbandry

पशु मैहकमा रामबन आस्सेआ लगातार जतन कीते जा'रदे न दुध दी पैदावार बधाने ते मवेशिएं दी दिक्ख-रिक्ख लेई मवेशिएं च बमारी दी रोकथाम सरबन्धी राष्ट्रीय प्रोग्राम तैहत मैहकमा कम्म करा'रदा ऐ तां जे मवेशिएं च होने आली बमारिएं दी रोकथाम कीती जाई सकै। एहदे लेई मवेशिएं ते दुधारू पशुएं दा 100 फीसद टीकाकरण करने लेई कम्म कीता जा'रदा ऐ। चला'रदे इस टीकाकरण दा मकसद जानवरें दी सेहत गी बेहतर करना, दुध दी पैदावार गी बधाना, मास दी पैदावार च बाद्धा ते करसानें गी उंदे मवेशिएं गी पालने लेई दे बरोबर लाहू उपलब्ध करोआना ऐ। आकाशवाणी समाचार कन्नै गल्ल करदे होई जिला भिड्डु पालन अधिकारी डॉ. शब्बीर अहमद खान होरें आखेआ।

<><><><><><>

DC-Jammu Street Children

जम्मू दे डिप्टी कमिशनर सचिन कुमार वैश्य जेडे जिला बाल संरक्षण टास्क फोर्स दे चेयरमैन बी हैन, शिडकें पर भिक्ख मंगदे बच्चें दे बचाव ते उन्दे पुनर्वास लेई इक बैठक दी अध्यक्षता कीती। बैठक च ए.डी.डी.सी शेर सिंह ते समाज कल्याण निदेशक रूपेश कुमार बी मौजूद हे। सरबन्धत कमेटी नै गांधी नगर, गोल मार्किट ते बाहू प्लाजा इलाकें च बच्चें दी भिक्ख मंगाने आहली प्रमुख थाहरें दी पंछान कीती जेदे मगरा डी.सी होरें फौरन कार्रवाई दे निर्देश दिते। बचाव अभियान दौरान मेडिकल जांच ते एम्बुलेंस वगैरा दी उपलब्धता यकीनी बनाई गेई। बच्चें गी बचाइयै इन्दे रहन-सहन दी बवस्था लेई पलसश ते परिषा बचयाव घरें दी क्षमता गी दूना करी दित्ता जाग ते बाल मजदूरी खलाफ व्यापक अभियान अगो बी जारी रौहग।

<><><><><><>

Child-Labour

बाल मजदूरी पर रोक लाने दी इक महत्वपूर्ण पैहलकदमी तैहत रियासी जिला प्रशासन नै कई मैहकमे कन्नै रलियै कटड़ा च बाल मजदूरी च फंसे दे नाबालिग बच्चें गी बचाने लेई इक व्यापक अभियान रम्भेआ ऐ। बचाव टीमें हट्टियें, रेस्टोरेंटें, ढाबें, शिड़क पर लागे जाने आहली रेहड़ी-फड़ियें, कारोबारी इकाइयें च चानचक्क निरीक्षण कीता। इस दौरान 4 नाबालिगें गी बचाया गेआ। बचाए गेदे नाबालिगें गी मेडिकल जांच लेई लेता गेआ ते मगरा उन्दे रहन-सहन दी बवस्था लेई उनेंगी बाल कल्याण समिति रियासी दे सामने आंदा गेआ। बाल संरक्षण कनूनें दी खिलाफवर्जी करने आहलें खलाफ सख्त कार्रवाई दे निर्देश दित्ते गए।

<><><><><><>

Weather

मौसम विभाग नै आखेआ ऐ जे जम्मू-कश्मीर च कल मौसम आम तौरा पर खुशक रौहगा। उआं 25 थमां लेइयै 28 फरवरी तगर जम्मू-कश्मीर च मौसम दे बदलोडखड़ा रौहने दे कन्नोकन्नी कई थाहरें पर हल्की थमां दरम्याने दर्जे दी बरखा बरने ते बर्फबारी दी पेशगोई कीती गई ऐ। मैहकमे नै सलाह दित्ती ऐ जे प्रदेश दे कई प्हाड़ी जिलें च शिड़कें पर बर्फबारी करी गड्डियें दी आओजाई पर रोक लाई जाई सकदी ऐ। इंदे च साधना पास, राजधान पास, सोनामर्ग जोजिला, गुमरी एक्सिस, मुगल रोड़, सिंथन पास ते होरनें कई प्रमुख शिड़कां शामिल न। इस करियै जात्तियें गी सलाह दित्ती गई ऐ जे औहू ट्रेफिक अडवाइजरी दी पालमा करन ते मौसम दे साब्बै गै सफर करन।

<><><><><><>

Cricket

आई.सी.सी चैंपियन्स ट्रॉफी क्रिकेट टूर्नामेंट दे ग्रुप-ए दे मैच च अज्ज भारत दा मुकाबला रिवायती हरीफ पाकिस्तान कन्नै होआ करदा ऐ। दुबई अंतरराष्ट्री क्रिकेट स्टेडियम च अज्ज पाकिस्तान नै टॉस जित्तियै पैहले बल्लेबाजी दा फैसला लैता। पाकिस्तान नै अपनी पारी च 10 विकेटें दे पर 241 दौड़ां बनाइयां न ते भारत गी जित्त लेई 242 दा लक्ष्य दित्ता ऐ।

<><><><><><>